

ETH DIARI

Numerò 35
Dimèrcles 17 de hereuèr 1999

HUELHETON

DIARI

D'ARAN

Prètz: 50 pessetes



HÈSTA ESCOLARA DE MAGRÀS. SALARDÚ 1999



Ager sigüem convidadi coma ETH DIARI, entara hèsta de Magràs que celebrauen es escòles incluides en airau ZER (Zòna d'Escòles Rurals). Es escòles d'Es Bòrdes, Aubèrt, Garòs, Arties, Gessa e Salardú (manquèc era d'Escunhau) heren ua hèsta en Polesportiu de Salardú ena quau es alumnes se disfressèren a partir d'un tèma liure e que s'auie trabalhau amassa en cada escòla. Quauques ues des escòles anèren pes cases deth sòn pòble entà cantar e tà arremassar estrees coma ueus e sòs.

Dempús de premiar es melhors trangues -tamb tematiques coma un grop de neri, ua alegoria entar euro, un rambalh de letres e ues caracteriscions deth conde d'Alicia-, se hec ua representacion de teatre a cargue deth grop de Barcelona, Produccions del Sol, tamb era òbra *Istòria d'un arbe Millenari*. Ua òbra que presente ua tematica de respècte e estimacion entara natura, un tèma que posteriorament se trabalharà en classe. Eth nòste reportatge fotografic vos illustrarà er ambient e era imaginacion dera hèsta en Salardú.

(CONTINUARÀ)

Demà publicarem es fotografies deth magràs escolar de Vielha.

COLLABORACIONS PERSONAUS

Era tronada que i a agut en Parlament de Catalunya a estat des que peten sec. Tanplan qu'es prumèrs relampits qu'an pataquejat er ambient politic catalan s'enteneren en Ajuntament de Barcelona, a on PSC e Iniciativa (en govèrn der Ajuntament) acusèren ath belicós conselhèr Comas d'auer arturat era construccion des geriatics en caplòc. Anoncis contra Maragall ena premsa, denúncies enes jutjats... Çò mès interessant der ahèr, ath marge dera confrontacion politica, a estat era declaracion dera Federacion de Municipis qu'a trèt ara lum tot un seguit de pòbles e ciutats que se considèren desatenguts pera Conselheria de Benestar Sociau. En Aran non auem dit arren der ahèr; as convergents non les conven de méter en evidéncia es sues mancances. Totun, era realitat, tostemp testuda, mos passe peth nas es dètz ans qu'aguesta Conselheria e es corresponents conselhèrs e sindicis mos van prometent era ampliacion

Guèrra de geriatics

deth geriatric aranés, (Residència de Sant Antòni) que se mòstre clarament insuficient tà atier es demanes dera Val.

Er ahèr, totun, va mès luenh e sabem com en aguesti darrèr tempsi es trebalhadores familiars d'atencion as mès grani an perdut pròp d'un vint per cent deth sòn salari damb era privatizacion deth servici. E en cas d'Aran, era quèstion se complique per'mor qu'era auançada mieja d'edat de quauqui uns des nòsti pòbles mès petits mos aurie de hèr a pensar en naues formules d'atencion ara gent grana, e per çò que semble, e com diden es catalans: "el més calent és a l'aigüera". Continuum auent promeses; son es madeishes de hè dètz ans, mès vielhes e mès entenedes.

Dètz ans de promeses dilhèu qu'ei massa temps tà ues persones tàs qui, aguest espaci de temps, ei tot çò que les quede de vida.

Francesc Boya

CARTA ENTÀS PARES

Distinguits pares,

Mos adreçam a vostés entà presentà-les èth nau Centre d'Estudis privat de Vielha: **VIVÈNCIA ARANESA: Aula Euròpa des Pirenèus**.

Aguest Centre de formacion complementària e de reciclatge s'a especialisat en diuèrsi airaus d'estudi coma **idiòmes e refòrç escolar**.

Entad aguest trimesadèr nauament a programat un **Talhèr de Tecnicas d'Estudi** adreçat a joeni de primària, ESO e bachelierat.

E ei precisament entà parlà-les d'aguest futur **TALHÈR** que vos escriuem aguesta carta.

Ena nautada de cors a on èm, ja sabetz s'eth vòste hilh o hilha an de besonh un refòrç escolar?

Mès, ei un problèma d'ua assignatura concreta o en realitat ei un problèma mès generau, com qu'eth vòste hilh o hilha non sap estudiar?

Era responsa de quauqui pares ei dèder qu'an observat una cèrta desorganizacion enes estudis.

Alavetz calerie rebrembà-les **qu'er estudiant que trè bones nòtes non ei mès intelligent: simplement ei mès ben organisat**.

E qu'ei aci a on es professionaus dera pedagogia volem intervier, entà dèder as pares que i a uns alumnes qu'an de besonh ajuda entà aprèner a estudiar, ei a dèder, entà organisa-se damb ues bones abituds d'estudi, entà aprèner tecnicas tà recuèlher e analizar informacion, e tanben saber tecnicas entà demostrar es sòns coneishements.

En pògues paraules: i a estudiants que pera sua desorganizacion -intèrna e extèrna- les convierie hèr un cors intensiu de **tecnicas d'estudi**.

Eth nòste Centre d'Estudis **VIVÈNCIA ARANESA: Aula Euròpa des Pirenèus**

aufris un **TALHÈR** en qué, de forma practica e personalisada, es vòsti hilhs poderàn recèber ua instruccion entà aquerir es **ABILITATS BASIQUES TÀ SABER ESTUDIAR DAMB EXIT**.

Coma saber s'un hilh o hilha a de besonh un TALHÈR DE TECNIQUES D'ESTUDI?

Demanatz-vos sonque s'a bèra ua d'aguestes 10 dificultats:

- 1- Non sap organisar eth trabalh escolar en casa.
- 2- Li manque concentracion.
- 3- Se pèrd enes diccionaris e es libres en generau.
- 4- Non compren es enonciats, ne es tèxtes, ne tròbe es idies principaus.
- 5- Non sap estudiar ua leçon.
- 6- Non sap préner apunts.
- 7- Se hè un embolh ara ora de hèr resumits, esquèmas e quaudres sinoptics.
- 8- En tot sabé-se es causes, non sap hèr examens e fracasse.
- 9- Li hè vergonha e patís ara ora de parlar en classe o expausar un tèma.
- 10- Non pòt hèr un comentari de tèxte o era recension d'un libre o era realizacion d'un trabalh de qualitat.

Se sabetz o descurbitz -pr'amor que l'ac demanatz as vòsti hilhs o as sòns mèstres, o simplement per ues hloishes notes- qu'an bèth un d'aguesti problèmas, donques, podetz èster segurs qu'an de besonh **AJUDA DE REFÒRÇ ESCOLAR ENTÀ APRÈNER A ESTUDIAR**, e cau que sapiatz que nosati les podem orientar perque èm professionaus.

Vos convidam a conèisher tota era nòsta aufèrta formatiua e entad açò trucatz-mos quan volgatz perque èm ara vòsta disposicion (Telefon 973 64 17 72 tardes).

Gràcies per auança.
Atentament,
Joan-Ramon Colomines-Companyns

PUBLI-REPORTATGE

GROPS, ORARIS e PRÈTZI

- Talhèr d'iniciacion- Nivèu A
18 ores de classe damb practiques e tutoria personau.

- Talhèr auançat- Nivèu B
18 ores de classe damb practiques e tutoria personau.

- TORNS: Deluns e Dimèrcles

o


Dimars e Dijaus

damb possibilitat d'oraris: de 17.30 a 19.00 or.
o 19.00 a 20.30 or.
• 20.30 a 22.00 or.

- TORN INTENSIU DE DIUENDRES de 18.00 a 21.00 or.
- TORN INTENSIU DE DISSABTE de 10.00 a 13.00 or.

TARIFES DETH TALHÈR

- Matricula e materiau gratuïts
- Cors: 20.000 pessetes



Edite ETH DIARI
Família Colomines
Centre d'estudis VIVÈNCIA ARANESA:
Aula Euròpa des Pirenèus (Val d'Aran)
Carrèr Doctor Manel Vidal
locau num.5
(Darrèr edifici/ Ath cant der Espitau)
25530 Vielha-Val d'Aran
Telefon: 973641772
Fax: 973640871
E-mail vivenciaaranesa@ctv.es

Editor e director: Joan-Ramon Colomines-Companyns.
e-mail: jrcc@apdo.com

Informatica e dossenhi: Marc Colomines i Nadal.

Equip de correctors: Pilar Barés e Xavier Gutierrez.

Equip comerciar: Ramon Agulló i Teixidor.

Impression: Xerox's Document Center 220 ST d'ETH DIARI
en Vielha. Tirada: 1000 exemplars.